



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio  
Leodii, 1709**

Caput IV. Amplius idipsum probatur exemplo libertatis Dei.

---

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

seipsum. Et quidem de necessitate, tam quoad exercitium, quam quoad specificationem... Liber ergo Spiritus sanctus procedit a Patre, non tamen possibiliter ( id est, cum possibilitate in oppositum ) sed ex necessitate, &c. Similiter q. 22. verit. a. 5. exponens citatum Augustini testimonium, dicit, quod duplex est necessitas: necessitas scilicet coactionis, & hoc in volentem cadere nullo modo potest; & necessitas naturalis inclinationis, sicut dicimus Deum de necessitate vivere: & tali necessitate voluntas aliquid de necessitate vult, libere tamen, ut ait ad 3. Et ibidem q. 24. ad 20. In appetibilibus de fine ultimo non judicamus iudicio discussonis, vel examinationis, sed naturaliter approbamus. Propter quod de eo non est electio, sed voluntas: habemus ergo respectu illius liberam voluntatem, cum necessitas naturalis inclinationis libertatis non repugnet, secundum Augustinum s. de Civit. Dei: non autem liberum iudicium, proprio loquendo, cum non cadat sub electione. Ne quis verò existimet S. Doctorem in Summa id retrahasse, similia habet I. p. q. 82. a. 1. ad 1. ubi sic: *Necessitas naturalis non auferit libertatem voluntatis, ut Augustinus dicit, &c.* Et 2. 2. q. 88. a. 4. ad 1. *Sicut non posse peccare non diminuit libertatem; ita etiam necessitas formata voluntatis in bonum, non diminuit libertatem, ut patet in Deo & beatis.* Et in 3. dist. 18. a. 2. ad 5. *Liberum arbitrium Christi, etiam si esset determinatum ad unum numerum, sicut ad diligendum Deum, quod non facere non potest; tamen ex hoc non amittit libertatem aut rationem laudis, sive meriti: quia in illud non coacte, sed sponte rendit, & ita est actus sui dominus.* Utique nedum concinit Seraphicus Doctor in 2. dist. 7. q. 2. dicens: *Duplex est necessitas, quedam a causa extrinseca, utpote necessitas coactionis: & hoc opponitur ei quod est liberè velle. Quedam verò est à dispositione intrinseca: & hoc hinc non opponitur, imo stat cum libertate.* Et dist. 25. q. 2. *Liberum arbitrium potest dupliciter considerari; aut secundum quod liberum, aut secundum quod deliberaans.* Si loquamur de ipso secundum quod liberum, sic concedo, quod potest esse, non solum respectu contingentis, sed necessarii ( imo potest esse necessarius in se, ut paulò post ait ); sed & id ipsum probat exemplo libertatis Dei, Christi & beatorum, sicut pater ( ait ) in Deo, in Christo, in Angelis & hominibus beatis, unde sit

## CAPUT IV.

*Amplius id ipsum probatur exemplo libertatis Dei.*

2<sup>2</sup> **T**erius assertio nostra probatur exemplo libertatis Dei, quæ fons est omnis libertatis, libertasque omnium possibilium perfectissima, nec Deo solum competit in ordine ad creaturas, quas potest non amare, sed in ordine ad se, tamethi non possit se non amare. Igitur ad libertatem dominiumque & potestatem voluntatis super actum suum non re-

*Tom. I.*

B b

quiritur potestas non ponendi illum. Antecedens probatur: quia, ut supra audivimus ex S. Thoma, Deus suā voluntate liberè amat seipsum, licet de necessitate amet seipsum. Unde q. 24. verit. a. 5. probat, quod in Deo liberum sit arbitrium, ex eo quod ipse habet voluntatis suæ finem, quem naturaliter vult, scilicet suam bonitatem. Quæ probatio videretur ridicula, si liberè non amaret suam bonitatem, tamquam voluntatis suæ finem. Hæc enim consecutio: Deus in se, independenter à quacumque alio, habet voluntatis suæ finem, quem naturaliter amat: ergo habet liberum arbitrium; esse non potest legitima, nisi finem illum voluntatis suæ, suam utique bonitatem, sic naturaliter amat, quod tamen liberè. Ratio verò cur Deus liberè amat bonitatem suam tamquam voluntatis suæ finem, est quia Deus in eo maximè liber est, sive actus dominus, quod maximè facit quia vult, ut consecutum est ex dictis assertione 3. atque Deus bonitatem suam, tamquam finem voluntatis suæ, maximè amat, quia vult: nihil enim tam amat, quia vult, quam finem voluntatis suæ, utpote quem solum propter se vult & amat; cætera propter illum, secundum id quod S. Doctor subiungit ibidem: *Alia verò omnia vult quasi ordinata ad hunc finem.* Quod si cætera propter illum amat, quia vult: illum ergo magis & maximè amat, quia vult; juxta illud, propter unumquodque tale est & illud magis. Deinde juxta Philosophum I. Metaphyl. & S. Thomam I. p. q. 83. a. 1. ad 3. Et in 2. dist. 25. q. 1. a. 2. ad 4. *Liber est, qui suipius, & non alterius gratiā est, nullique proinde alteri servit.* Ergo Deus in amando seipsum est maximè liber, quia seipsum maximè amat, suipius, & non alterius gratiā, in coequo proinde amore non solum non servit alteri; quin cætera prorsus omnia, quæ amat, isti amori subserviunt. Nihil enim extra se Deus amat, nisi quia se, seu bonitatem suam amat. Ad hæc juxta Augustinum I. de nuptiis 30. ibi sumus veraciter liberi, ubi non delectamur inviti: ille ergo amor ( juxta Augustinum ) maximè liber est, qui maximè delectabilis & maximè voluntarius est. Atqui propriæ bonitatis amor in Deo maximè delectabilis, & maximè voluntarius est: ergo maximè liber.

Præterea amor ille Deo maximè perfectissime liber est, in quo Deus est maximè sui juris, siveque potestatis. In eo verò amore Deus maximè sui juris est, siveque potestatis, in quo maximè independens est ab omni alio, maximèque immunis ab omni servitute & subjectione, ab omni aliena motione, dominatione & potestate, ab omni denique impedimento, ita ut à nullo impediti queat, vel retardari; imo à nullo moveri nisi à seipso, siveque voluntatis determinatione. Ita verò se Deus habet in amore sui, ad quem divina voluntas non determinatur ab objecto, sicut aliæ potentiarum naturales, sed ipsa, pro summa sua rectitudine, à seipso, & ex seipso, per pro-

primum velle, scipsum agit & determinat ad amandam divinam bonitatem, siveque dominum habet in illum amorem: cum agere & determinare se ipsum ad actum suum, argumentum sit dominii & potestatis in illum. In eo proinde sui ipsius amore, divina voluntas non se habet sicut divinus intellectus in suipsum cognitione: quia voluntas ut voluntas de se, sive in linea sua, non est potentia ex se, antecedenter ad suum velle, determinata ad unum, sicut intellectus, & aliae potentiae naturales, antecedenter ad actus suos. Cujus ratio a priori alia querenda non est, quam diversa in eo natura seu essentia voluntatis, & intellectus, &c. cum essentiariam a priori non detur ratio. Idemque Scotus quodlib. 16. ad questionem, cur voluntas potius liberè moveatur ad actum suum, quem non potest non ponere, quamgrave, rationem aliam non adferit, nisi quia hoc est hoc, & illud est illud. Nam esse, forma, & modus essendi, agere & modus agendi sunt immediata. Eam vero esse naturam essentiamque voluntatis, ut voluntatis, quamvis non a priori, monstrabitur infra.

25 Nec sapientissimus Magister noster Lumbier to. 1. Theol. Scholast. in appendice n. 805. contra hoc efficaciter ( tametsi subtiliter ) obicit, divinam voluntatem sua rectitudine, utpote sibi intranea, ex se, ante suum velle, esse necessitatem & determinatam ad amorem antedictum, sicut est divinus intellectus ad suum intelligere. Cum velle divinum sit ratio & regula omnis rectitudinis, eoque aliquid rectum, quo divina voluntati consonum. Non proinde antecedenter ad velle suum, divina voluntas a sua rectitudine determinatur: quia per illud ( non antecedenter ad illud ) formaliter rectificatur.

26 Denique Deus, in non volendo malum, ex hoc non definit esse liber, sive juris & sue potestatis, quod malum velle non possit. Ergo in volendo bonum, seu bonitatem suam, ex hoc non definit esse liber, sive juris & sue potestatis, quod malum velle non possit, bonumque non velle non possit. Oppositum enim sive antecedentis, sive consequentis praetendenti, merito reponitur illud Augustini I. 1. op. imperf. contra Julian. fol. 150. Siccine Deum laudas, ut ei auferas libertatem? an potius intelligere debes, necessitatem, quia Deus non potest seu malum velle, seu bonum non velle, esse quamdam beatam necessitatem quia Deus justus non potest injustus esse? hoc autem quia non potest, non deficiens non potest ( ait contra ferm. Ariani c. 14.) sed poterit. Nec ex hoc dicere audemus ( prosequitur I. de nat. & grat. c. 46.) Deum non voluntatem ( utique liberam, ut patet ex hac Pelagi, cui responderet, cuique alias non satisfaceret, objectione, voluntatis arbitrii privari quidquid naturali necessitate constringitur) sed necessitatem habere justitiae, quia non potest velle peccare. Ut enim praeclarus Bernardus lib. de grat. & lib. arb. quod ille esse non potest malus, non infirma facit ne-

cessitas, sed firma in bono voluntas & voluntaria firmitas. Et ideo addit ibidem, quod ipse permanet liberè bonus, propriè scilicet voluntate. Item quod Deus sui juris erat, siveque ipsius voluntatis, non necessitatis ( liberam voluntatem impudentis ) erat, quod bonus erat, &c. Similiter Anselmus l. 2. Cur Deus homo c. 17. nihil ibi operatur necessitas non faciendo, aut impossibilias faciendo, sed sola Dei voluntas, qua veritatem semper ( quia veritas est ) fecit est, esse vult.

## C A P U T V.

*Eadem veritas ostenditur exemplo libertatis Christi.*

Quarto eadem assertio probatur exemplo 27 libertatis Christi, de quo S. Thomas in 3. dist. 18. a. 2. ad 5. hanc objectionem: Liberum arbitrium Christi erat determinatum ad unum: ergo Christus non meruit per liberum arbitrium; ideo enim naturalibus non meretur, quia sunt determinata ad unum. Respondebat dupl. Primò, quod liberum arbitrium Christi non erat determinatum ad unum secundum numerum, sed ad unum secundum genus, scilicet ad bonum, quia in malum non potest... Et hoc non excludit libertatem arbitrii: quia posse peccare, nec est libertas arbitrii, nec pars libertatis, ut dicit Anselmus. Et hec quidem determinatio ex perfectione liberi arbitrii contingit, secundum quod per habitum gratia & glorie terminatur in eo quod est naturaliter ordinatum ( scilicet in bono ): quia liberum arbitrium, quavis in nobis se habeat ad bonum & ad malum, non tamen est proper malum, sed proper bonum. Secundò respondebat, ut sequitur, vel dicendum, quod etiam si esset determinatum ad unum numero, sicut ad diligendum Deum, quod non facere non potest; tamen ex hoc non amittit libertatem, aut rationem laudis, sive meriti: quia in illud non coacte, sed sponte tendit; & ita est sui actus dominus. Priori response dicit, liberum arbitrium Christi fuisse quidem sic determinatum ad bonum in genere, ut non potuerit facere malum; fuisse tamen indifferens ad hoc vel illud bonum in specie, & individuo, secundum se spectatum ( id est, abstrahendo a speciali Dei precepto vel confilio ); determinationem vero illam ad bonum in genere, sic ut non habuerit potestatem in malum, provenisse ex perfectione liberi arbitrii ipsius; utpote quod perficitur per determinationem ad id, ad quod est naturaliter ordinatum, sicut cæteræ res naturales, atque adeo perficitur per determinationem ad bonum: sicut v. g. grave perficitur per determinationem ad centrum suum ad quod naturaliter ordinatur. Unde arguitur sic: liberum arbitrium perficitur per determinationem ad bonum, ad quod est naturaliter ordinatum: ergo magis perficitur per majorem determinationem ad bonum, &c. Quo igitur magis determinatum